



ЎЗБЕКИСТОН РЕСПУБЛИКАСИ
ИҚТИСОДИЁТ ВА МОЛИЯ
ВАЗИРЛИГИ

2025 I ярим йиллик ҲИСОБОТ

ВАЗИРЛИК ВА ИДОРАЛАРНИНГ
ИЧКИ АУДИТ ХИЗМАТЛАРИ
ФАОЛИЯТИНИ БАҲОЛАШ
НАТИЖАЛАРИ



Тошкент 2025 йил



МУНДАРИЖА

РЕЗЮМЕ	3
1. ИЧКИ АУДИТ ХИЗМАТЛАРИ ФАОЛИЯТИНИ БАҲОЛАШНИНГ ҚОНУНЧИЛИК АСОСЛАРИ ВА ТАШКИЛ ЭТИЛИШИ.....	4
1.1. Баҳолашга оид амалдаги қонунчилик	4
1.2. Баҳолаш бўйича саволнома	4
1.3. 2025 йил учун баҳолаш режаси.....	6
2. БАҲОЛАШ НАТИЖАЛАРИ БЎЙИЧА УМУМИЙ МАЪЛУМОТЛАР	6
3. БАҲОЛАШ НАТИЖАЛАРИ АСОСИДА ИЧКИ АУДИТ ФАОЛИЯТИНИ ЯНАДА ТАКОМИЛЛАШТИРИШ УЧУН КИРИТИЛГАН ТАКЛИФЛАР ҲАМДА УЛАРНИНГ ИЖРОСИ	9
4. РЕЖАЛАШТИРИЛГАН ИШЛАР	10
5. ЯКУНИЙ ҚИСМ.....	11
Вазирлик ва идоралар кесимида баҳолаш натижалари (Илова).....	12

РЕЗЮМЕ

Бугунги кунда вазирлик ва идораларда ички аудит хизматлари (кейинги ўринларда – ички аудит хизматлари) **бюджет интизомини мустаҳкамлаш** (I), бюджет тўғрисидаги **қонунчилик бузилиши ҳолатларининг олдини олиш** (II), **бюджет тизими бюджетларидан фойдаланиш самарадорлигини баҳолаш** (III) мақсадида фаолият олиб бормоқда.

Ўз навбатида, Ўзбекистон Республикаси Вазирлар Маҳкамасининг 2023 йил 14 августдаги 377-сонли қарори билан тасдиқланган Вазирлик ва идораларнинг ички аудит хизматлари фаолиятини баҳолаш тартиби тўғрисидаги низомга мувофиқ, ички аудит фаолиятига оид қонунчилик ҳужжатларига риоя этилишини таъминлаш ҳамда фаолиятни такомиллаштириб бориш мақсадида **Иқтисодиёт ва молия вазирлиги томонидан ички аудит хизматлари фаолиятини баҳолаш** (кейинги ўринларда – баҳолаш) **амалга оширилди**.

2025 йилда **5 турдаги** хавф омилларининг таҳлили асосида танлаб олинган **13 та** вазирлик ва идораларнинг ички аудит хизматларида (*жами ички аудит хизматлари мавжуд бўлган вазирлик ва идораларнинг 22 фоизи*) **баҳолаш ўтказилиши режалаштирилган** бўлиб, шундан, жорий йилнинг биринчи ярмида **5 та** вазирликнинг ички аудит хизматлари фаолияти (*йиллик режанинг 38 фоизи*) баҳоланди.

Баҳолаш ички аудит хизматлари фаолиятини тегишли қонунчилик ҳужжатлари асосида ташкил этилиши, хавф таҳлили тизимининг йўлга қўйилиши, ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши, аудит тадбирлари натижасида ишлаб чиқилган таклиф ва тавсия (чора-тадбир)ларнинг ижро этилиши ва ходимларнинг малака даражасини қамраб олган 7 та йўналишдаги намунавий саволномага балл бериш орқали амалга оширилди.

Маълумот учун: Баҳолаш натижаларига кўра, ички аудит хизмати фаолиятининг сифат даражаси 90 фоиз ва ундан юқори бўлганда «юқори», 70-90 фоиз оралиғида бўлганда «ўрта», 70 фоиздан кам бўлганда «паст» деб баҳоланади.

Баҳолаш натижасига кўра, **1 та (20%)** вазирликда ички аудит хизмати фаолияти «юқори» ва яна **1 та (20%)** вазирликда «ўрта» ҳамда қолган **3 та (60%)** вазирликларда «паст» даражада баҳоланди (*жамланма маълумот мазкур ҳисоботнинг 2-қисмида келтирилади*).

Баҳолаш доирасида қуйидаги масалаларни ўз ичига олувчи **чора-тадбирлар режалари ишлаб чиқилиб, вазирлик ва идора биринчи раҳбарлари томонидан тасдиқланди:**

ички аудит хизматларининг ички ҳужжатларини ички аудитга оид қонунчиликка мувофиқлаштириш;

хавф таҳлили сифатини ошириш;

ички аудит тадбирларининг ўтказилиши ва натижаларининг расмийлаштирилишини қонунчилик ҳужжатларига мувофиқлигини таъминлаш;

ходимларнинг малакасини ошириб бориш ва кадрлар захирасини шакллантириш;

ички аудит хизматларида ички баҳолашни йўлга қўйиш.

Ички аудит хизматлари томонидан мазкур чора-тадбирлар режасида белгиланган вазифалар ижроси ҳамда ички аудит хизмати фаолиятини янада такомиллаштириш юзасидан амалга оширилган ишлар тўғрисида ҳар чорак якунида ҳисоботлар тақдим этилиб келинмоқда.

1. ИЧКИ АУДИТ ХИЗМАТЛАРИ ФАОЛИЯТИНИ БАҲОЛАШНИНГ ҚОНУНЧИЛИК АСОСЛАРИ ВА ТАШКИЛ ЭТИЛИШИ

1.1. Баҳолашга оид амалдаги қонунчилик

Мамлакатимизда ички аудит хизматлари фаолиятининг ички аудитга оид қонунчилик ҳужжатларига мувофиқлигини ўрганиш мақсадида, уларнинг фаолиятини баҳолаш амалиёти йўлга қўйилган. Хусусан, баҳолаш жараёни Ўзбекистон Республикаси Вазирлар Маҳкамасининг 2023 йил 14 августдаги 377-сонли қарори билан тасдиқланган Вазирлик ва идораларнинг ички аудит хизматлари фаолиятини баҳолаш тартиби тўғрисидаги низомга асосан Иқтисодиёт ва молия вазирлиги томонидан ҳар йили қуйидаги тартибда амалга оширилади:

ички аудит хизматлари фаолиятига оид маълумотлардан фойдаланган ҳолда хавф таҳлилини амалга ошириш ҳамда мазкур таҳлил натижалари асосида баҳолаш ўтказиладиган ички аудит хизматларини танлаб олиш ва баҳолаш режасини ишлаб чиқиш;

баҳолаш тўғрисида вазирлик ва идорани хабардор қилган ҳолда ички аудит хизмати фаолиятини ўн иш кунидан ошмаган муддатда баҳолаш;

1.2. Баҳолаш бўйича саволнома

Ички аудит хизматлари фаолиятини баҳолаш белгиланган тартибда баҳолаш бўйича намунавий саволномага балл бериш орқали амалга оширилади. Ўз навбатида, баҳолаш бўйича саволнома қуйидаги йўналишлардаги саволларни ўз ичига олади:

ички аудит хизмати фаолиятининг белгиланган тартибда ташкил этилиши, мустақиллиги ҳамда ресурслар билан таъминланиши;

ички аудит хизмати фаолиятига оид тегишли ички ҳужжатларнинг қабул қилиниши;

ички аудит йиллик режасининг хавф таҳлили асосида ишлаб чиқилиши;

баҳолаш натижалари бўйича маълумотнома расмийлаштириш, ички аудит хизмати фаолиятини такомиллаштириш бўйича берилган таклиф ва тавсиялар асосида чора-тадбирлар режасини ишлаб чиқиш;

ички аудит хизматлари томонидан чора-тадбирлар режасининг бажарилиши мониторингини амалга ошириш.

Ўтказилган баҳолаш натижаларига кўра, ички аудит хизмати фаолиятининг сифат даражаси қуйидагича баҳоланади:

90 фоиз ва ундан юқори бўлганда, «юқори»;

70 фоиздан (шу жумладан, 70 фоиз) 90 фоизгача бўлганда, «ўрта»;

70 фоиздан кам бўлганда, «паст».

Бунда, сифат даражаси кўрсаткичи ҳар бир йўналишдаги саволларга берилган баллар йиғиндисининг ушбу йўналишдаги саволларга берилиши мумкин бўлган энг юқори баллар йиғиндисига нисбатини белгиланган вазнга кўпайтириш орқали аниқланади.

ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши;

чора-тадбирлар режасининг бажарилиши;

ички аудит хизмати ходимларининг малака даражаси ҳамда фаолияти самарадорлигининг баҳоланиши;

ички аудит хизмати фаолиятига алоҳида саволлар.

Шунингдек, саволномадаги йўналишларнинг ички аудит хизматлари фаолияти самарадорлигини таъминлаш ва ривожлантириш нуқтаи назаридан муҳимлигидан келиб чиқиб, уларга вазн белгиланган. (1-жадвал).

**Ички аудит хизматлари фаолиятини баҳолаш бўйича намунавий саволлар
йўналишларига белгиланган вазнлар миқдори**

Т/р	Баҳолаш саволлари йўналиши	Вазн
1.	Ички аудит хизмати фаолиятининг белгиланган тартибда ташкил этилиши, мустақиллиги ҳамда ресурслар билан таъминланиши	0,10
2.	Ички аудит хизмати фаолиятига оид тегишли ички ҳужжатларнинг қабул қилиниши	0,10
3.	Ички аудит йиллик режасининг хавф таҳлили асосида ишлаб чиқиши	0,20
4.	Ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши	0,20
5.	Чора-тадбирлар режасининг бажарилиши	0,20
6.	Ички аудит хизмати ходимларининг малака даражаси ҳамда фаолияти самарадорлигининг баҳоланиши	0,15
7.	Ички аудит хизмати фаолиятига алоҳида саволлар	0,05

Юқоридаги жадвалда кўрсатилгандек, **ички аудит йиллик режасининг хавф таҳлили асосида ишлаб чиқиши (0,20), ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши (0,20) ва чора-тадбирлар режасининг бажарилиши (0,20)** йўналишларига юқори вазн белгиланган.

Бунга асосий сабаб сифатида илғор халқаро тажрибаларда, хусусан, Жаҳон банкининг Давлат харажатлари ва молиявий ҳисобдорлик (PEFA) дастури¹ томонидан ўтказиладиган баҳолаш жараёнида ички аудит компоненти учун ички аудит йиллик режаларининг бажарилиши, ички аудит тадбирларининг ўтказилиши ва натижаларининг расмийлаштирилиши ҳамда таклиф ва тавсияларнинг амалиётга татбиқ этилиши асосий индикаторлар ҳисобланишини келтириб ўтиш мумкин.

Маълумот учун: Мамлакатимиз вазирлик ва идораларининг ички аудит хизматлари фаолияти 2024 йилда Жаҳон банкининг давлат харажатлари ва молиявий ҳисобдорлик (PEFA) мезонлари бўйича халқаро илғор стандартларга «мувофиқ» (B+) деб баҳоланди (2019 йилда ушбу натижа «қониқарсиз» (D+) деб баҳоланган).

¹ Давлат харажатлари ва молиявий ҳисобдорлик самарадорлигини баҳолаш услубиёти
<https://www.pefa.org>

1.3. 2025 йил учун баҳолаш режаси

Иқтисодиёт ва молия вазирлигининг 2025 йил 22 февралдаги 23-43-сонли буйруғи билан 2025 йил учун вазирлик ва идораларнинг ички аудит хизматлари фаолиятини баҳолаш йиллик режаси тасдиқланди.

Мазкур режага хавф таҳлили асосида танлаб олинган юқори хавф даражасига эга ички аудит хизматлари киритилган.

2-жадвал

Ички аудит хизматлари фаолиятини баҳолаш йиллик режаси

Т/р	Вазирлик ва идора номи	Баҳолаш ўтказиш муддати
1.	Транспорт вазирлиги	17.03.2025 – 28.03.2025
2.	Мактабгача ва мактаб таълими вазирлиги	07.04.2025 – 18.04.2025
3.	Экология, атроф-муҳитни муҳофаза қилиш ва иқлим ўзгариши вазирлиги	28.04.2025 – 08.05.2025
4.	Маданият вазирлиги	19.05.2025 – 30.05.2025
5.	Адлия вазирлиги	09.06.2025 – 20.06.2025
6.	Қишлоқ хўжалиги вазирлиги	30.06.2025 – 11.07.2025
7.	Туризм қўмитаси	21.07.2025 – 01.08.2025
8.	Ёшлар ишлари агентлиги	11.08.2025 – 22.08.2025
9.	Ижтимоий ҳимоя миллий агентлиги	02.09.2025 – 12.09.2025
10.	Ўзбекистон техник жиҳатдан тартибга солиш агентлиги	22.09.2025 – 03.10.2025
11.	Ўзархив агентлиги	13.10.2025 – 24.10.2025
12.	Фанлар академияси	03.11.2025 – 14.11.2025
13.	Кадастр агентлиги	24.11.2025 – 05.12.2025

2. БАҲОЛАШ НАТИЖАЛАРИ БЎЙИЧА УМУМИЙ МАЪЛУМОТЛАР

Баҳолаш йиллик режасига мувофиқ 2025 йилнинг биринчи ярми давомида **5 та вазирликларда**, жумладан, Транспорт вазирлиги, Мактабгача ва мактаб таълими вазирлиги, Экология, атроф-муҳитни муҳофаза қилиш ва иқлим ўзгариши вазирлиги, Маданият вазирлиги ва Адлия вазирликларида ички аудит хизматлари фаолияти баҳолашдан ўтказилди.

Баҳолаш натижасига кўра, **Транспорт вазирлиги (62,2%)**, **Экология, атроф-муҳитни муҳофаза қилиш ва иқлим ўзгариши вазирлиги (64,3%)**, **Мактабгача ва мактаб таълими вазирлиги (66,7%)**, ички аудит хизматлари фаолиятининг сифат даражаси «**паст**», Маданият вазирлиги (**81,3%**) ички аудит хизматининг сифат даражаси «**ўрта**» ҳамда Адлия вазирлиги (**92,4%**) ички аудит хизмати фаолиятининг сифат даражаси «**юқори**» даражада баҳоланди (1-расм).

2025 йилнинг I ярим йиллигида ички аудит хизматлари фаолиятини баҳолаш натижалари

Т/р	Назорат саволлари йўналиши	Адлия вазирлиги	Маданият вазирлиги	Мактабгача ва мактаб таълими вазирлиги	Экология вазирлиги	Транспорт вазирлиги
Сифат даражаси (фоизда)		92,4%	81,3%	66,7%	64,3%	62,2%
1	Ички аудит хизмати ходимларининг малака даражаси ҳамда фаолияти самарадорлигининг баҳоланиши	92%	83%	100%	100%	100%
2	Ички аудит хизмати фаолиятининг белгиланган тартибда ташкил этилиши	100%	78%	83%	100%	78%
3	Ички аудит хизмати ички ҳужжатларнинг қабул қилиниши	100%	83%	67%	100%	67%
4	Ички аудит тадбирларининг қонунчиликка мувофиқ ўтказилиши	89%	75%	100%	61%	79%
5	Ички аудит хизмати фаолиятига алоҳида саволлар	92%	79%	83%	43%	92%
6	Чора-тадбирлар режасининг бажарилиши	94%	100%	38%	56%	25%
7	Йиллик режанинг хавф таҳлили асосида ишлаб чиқилиши	88%	69%	25%	19%	38%

– юқори
 – ўрта
 – паст

Юқоридаги расмда баҳолаш йўналишлари бўйича вазирликлар ички аудит хизматлари фаолиятининг сифат даражаси акс эттирилган. Бунда, ички аудит хизматининг сифат даражаси ҳар бир йўналиш натижаларидан келиб чиқиб аниқланган.

Баҳолаш жараёнида **ички аудит хизмати ходимларининг малака даражаси ва фаолияти самарадорлигининг баҳоланиши** ҳамда **ички аудит хизмати фаолиятининг белгиланган тартибда ташкил этилиши, мустақиллиги ва ресурслар билан таъминланиши** йўналишлари бўйича аксарият вазирлик ва идораларда **«юқори» (90** фоиз ва ундан юқори) натижалар қайд этилди.

Шундай бўлсада, **ички аудит йиллик режасининг хавф таҳлили асосида ишлаб чиқилиши** йўналишида *Экология, атроф-муҳитни муҳофаза қилиш ва иқлим ўзгариши вазирлиги (19%), Мактабгача ва мактаб таълими вазирлиги (25%), Транспорт вазирлиги (38%)* ҳамда *Маданият вазирлигида (69%) «паст» даражадаги натижалар қайд этилди.*

Чора-тадбирлар режасининг бажарилиши йўналиши бўйича *Транспорт вазирлиги (25%), Мактабгача ва мактаб таълими вазирлиги (38%)* ҳамда *Экология, атроф-муҳитни муҳофаза қилиш ва иқлим ўзгариши вазирлигида (56%)* натижалар **«паст» даражада эканлиги аниқланди.**

Шунингдек, баҳолашда **ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши** йўналишида ички аудит хизмати томонидан **ички аудит тадбирлари учун белгиланган тартибда дастур ишлаб чиқилмаганлиги, ўтказилган ички аудит тадбирлари натижалари “Давлат аудити” дастурига киритилмаганлиги** ҳамда **фаолияти юзасидан биринчи раҳбарга ҳисоботлар тақдим этиб борилмаганлиги** сабабли *Экология, атроф-муҳитни муҳофаза қилиш ва иқлим ўзгариши вазирлигида (61%)* нисбатан **«паст» даражадаги натижалар қайд этилди.**

Шу билан бирга, **ички аудит хизмати фаолиятига оид тегишли ички ҳужжатларнинг қабул қилиниши** йўналиши бўйича кўрсаткичлар бошқа йўналишларга нисбатан паст даражада қолмоқда. Бунга асосий сабаб сифатида вазирликларнинг **ички аудит хизмати тўғрисидаги (ички) низоми ҳамда ички аудит хизмати ходимларининг лавозим йўриқномалари** Ички аудит хизмати тўғрисидаги **намунавий низомга мувофиқ ҳолда ишлаб чиқилмаганлигини** (ички ҳужжатларда намунавий низомда белгиланмаган вазифаларнинг назарда тутилганлигини) келтириб ўтиш мумкин.

Мазкур йўналишда *Транспорт вазирлиги (67%)* ҳамда *Мактабгача ва мактаб таълими вазирлиги (67%)* ички аудит хизматлари фаолияти **«паст» даражада баҳоланган.**

Саволноманинг **ички аудит хизмати фаолиятига оид бошқа саволлар** йўналишида ички аудит хизматлари томонидан **Иқтисодиёт ва молия вазирлигининг фаолият юзасидан олдинги баҳолашда берилган таклиф ва тавсиялари бажарилмаганлиги** ҳамда **тизимдаги бюджет ҳисобидан молиялаштирилмайдиган нобюджет муассаса ва ташкилотларда молиявий-хўжалик фаолияти бўйича ўтказилган аудит (назорат) ишларига оид ҳужжатлар мониторинги юритилмаганлиги** сабабли *Экология, атроф-муҳитни муҳофаза қилиш ва иқлим ўзгариши вазирлигида (43%)* **«паст» даражадаги натижалар қайд этилди.**

Баҳолаш натижалари бўйича вазирлик ва идоралар кесимидаги батафсил маълумотлар мазкур Ҳисоботга **иловада** келтириб ўтилган.

3. БАҲОЛАШ НАТИЖАЛАРИ АСОСИДА ИЧКИ АУДИТ ФАОЛИЯТИНИ ЯНАДА ТАКОМИЛЛАШТИРИШ УЧУН КИРИТИЛГАН ТАКЛИФЛАР ҲАМДА УЛАРНИНГ ИЖРОСИ

2025 йил давомида ўтказилган баҳолаш натижалари асосида ички аудит хизматлари фаолиятида йўл қўйилган камчиликлар, тизимли муаммоларни бартараф этиш, шунингдек, ички аудит хизматларининг фаолиятини янада такомиллаштириш мақсадида ҳар бир вазирликда чора-тадбирлар режалари ишлаб чиқилди.

Хусусан, ички аудит хизматлари фаолиятида мавжуд камчиликларни бартараф этиш юзасидан қуйидаги масалалар бўйича таклиф ва тавсиялар берилди:

Ички аудит хизмати фаолиятининг белгиланган тартибда ташкил этилиши ҳамда фаолиятга оид ички ҳужжатларнинг расмийлаштирилиши бўйича:

ички аудит хизматининг бўйсунуви ва ҳисобдорлигини вазирлик ва идоранинг биринчи раҳбарига белгиланишини ташкил этиш;

ички аудит хизмати тўғрисидаги низом ҳамда ходимлар лавозим йўриқномаларини ички аудитга оид амалдаги қонунчилик ҳужжатларига мувофиқлаштириш;

Ички аудит йиллик режасини белгиланган тартибда ишлаб чиқиш бўйича:

ички аудит йиллик режасини хавф таҳлили асосида ишлаб чиқиш ва хавф таҳлилини такомиллаштириш;

ички аудит йиллик режасини мавжуд вақт ресурсларини ҳисобга олган ҳолда ишлаб чиқиш;

Ички аудит тадбирларининг ўтказилишини самарадорлигини ошириш бўйича:

ички аудит тадбирларининг ўтказилиши ва натижаларининг расмийлаштирилишини ички аудит фаолиятига оид қонунчиликка мувофиқ амалга оширилишини таъминлаш;

ички аудит тадбирлари натижалари бўйича чора-тадбирлар режасини белгиланган тартибда тузиш ҳамда ижросининг мониторингини амалга ошириш;

ички аудит тадбирлари натижаларини белгиланган муддатларда «Давлат аудити» дастурий комплексига киритиш;

ички аудит тадбирларини ўтказишда асосий эътиборни қонунчилик ҳужжатларининг бузилиши ҳолатларининг олдини олишга (профилактикага) қаратиш;

ахборот технологияларидан фойдаланган ҳолда масофавий аудитни амалга ошириш;

Ҳисоб палатаси томонидан тақдим этилган хавф-таҳлиллар бўйича аудит тадбирларини ўтказиш тўғрисида тегишли чоралар кўриш;

ички аудит хизмати фаолияти бўйича ҳисоботларни вазирлик ва идора раҳбарига тақдим этиб бориш ҳамда оммавий ахборот воситалари орқали жамоатчиликка эълон қилиш;

тизимдаги бюджет ҳисобидан молиялаштирилмайдиган нобюджет муассаса ва ташкилотларда молиявий-хўжалик фаолияти бўйича ўтказилган назорат ишларига оид ҳужжатлар мониторингини юритиш;

Ўзбекистон Республикаси Президентининг қарорлари билан белгиланган самарадорлик индикаторларининг бажарилишини таҳлил қилиш ва баҳолаб бориш;

Ички аудит хизматида самарали кадрлар сиёсатини йўлга қўйиш бўйича:

вазирлик ва идорада ички аудит фаолиятини амалга ошириш учун ички аудит хизмати ходимларининг (штат бирликларининг) етарлилигини кўриб чиқиш;

ходимлар малакасини доимий ошириб бориш, шунингдек, ички аудит хизматида мавжуд вакант лавозимларни малакали кадрлар билан тўлдириш ҳамда ички аудит хизмати учун кадрлар захирасини яратиш;

ички аудит хизмати ходимларининг фаолияти самарадорлигини энг муҳим самарадорлик кўрсаткичлар асосида баҳолаш;

Ички аудит фаолиятини ривожлантириш бўйича бошқа масалалар:

ички аудитнинг халқаро илғор тажрибаларини ўрганиш;

вазирлик тизимидаги ташкилотларда ташкил этилган ички аудит хизматлари билан ҳамкорлик ҳамда ҳисобдорликни йўлга қўйиш;

ички аудит хизматининг вазирлик ва идорада “Хавфларни бошқариш” қўмитасининг ишчи органи сифатида фаолиятини йўлга қўйиш;

ички аудит хизматига ўз фаолиятини амалга ошириш учун ички ва ташқи ахборот тизимларидан фойдаланиш имкониятини яратиш;

4. РЕЖАЛАШТИРИЛГАН ИШЛАР

Вазирлик ва идораларнинг ички аудит хизматлари фаолиятини баҳолашни амалга ошириш бўйича 2025 йилнинг иккинчи ярми давомида қуйидаги ишларни амалга ошириш режалаштирилмоқда:

йиллик режа асосида 2025 йилнинг иккинчи ярмига белгиланган вазирлик ва идораларда ички аудит хизматлари фаолияти юзасидан баҳолаш амалга оширилади;

тажриба – синов тариқасида 2025–2026 йиллар давомида ички аудит фаолиятини самарали ташкил этиш мақсадида Иқтисодиёт ва молия вазирлиги ҳамда ўзаро келишилган яна бир вазирликда “Намунали ички аудит хизмати” лойиҳасини амалга оширилади;

Баҳолаш натижасида «**паст**» даражада баҳоланган йўналишларни яхшилаш бўйича вазирлик ва идоралар билан мунтазам ва яқиндан ишлар олиб борилади ҳамда 2025 йилнинг биринчи ярмида баҳолаш ўтказилган ички аудит хизматлари томонидан чора-тадбирлар режасини бажарилиши мониторинги давом эттирилади;

ички назорат жараёнларини такомиллаштириш.

Ўз навбатида, баҳолаш ўтказилган вазирликлар томонидан **ички аудит хизматлари фаолиятини янада такомиллаштириш бўйича қуйидагилар амалга оширилди:**

Транспорт вазирлиги ҳамда Мактабгача ва мактаб таълими вазирликларида ички аудит хизмати тўғрисидаги низомлар ва ходимлар лавозим йўриқномаларининг ички аудитга оид амалдаги қонунчилик ҳужжатларига мувофиқлиги таъминланди.

Ички аудит хизмати ходимларини Иқтисодиёт ва молия вазирлиги Ўқув марказида малакасини ошириш чоралари кўрилади ҳамда фаолиятга оид миллий ва хорижий экспертлар иштирокида ўқув семинарлар ва тренинглар ўтказилиб борилади.

Шу билан бирга, ўрта ва узоқ муддатли режаларда ички аудит хизматлари фаолиятини баҳолаш тизимини илғор хориж тажрибалари асосида доимий такомиллаштириб бориш ва рақамлаштириш назарда тутилган.

5. ЯКУНИЙ ҚИСМ

2025 йилнинг биринчи ярмида ички аудит хизматлари фаолиятини баҳолаш тизимининг йўлга қўйилиши натижасида вазирлик ва идораларда ички аудит фаолиятини яхшилаш бўйича бир қатор ижобий натижаларга эришилди. Жумладан:

ички аудит хизматлари фаолиятига оид амалдаги қонунчилик ҳужжатларининг мазмуни, моҳияти ва аҳамияти ҳамда улардан фойдаланиш ички аудит хизматлари ходимларига атрофлича етказилди;

ички аудит тузилмаларида мавжуд муаммолар аниқланиб бартараф этиш чоралари кўрилди;

ички аудит хизматларига оид ички ҳужжатларнинг қонунчиликка мувофиқ ишлаб чиқилиши ва тасдиқланиши таъминланди;

ички аудит хизматларининг мустақиллиги ҳуқуқий ва ташкилий жиҳатдан таъминланди;

ички аудит хизматлари фаолиятининг хавф таҳлилига йўналтирилиши бўйича амалий ёрдам кўрсатилди, хавф таҳлилинини ташкил этиш ҳамда баҳолаш бўйича ходимларнинг билим ва кўникмалари оширилди;

ички аудит тадбирларининг белгиланган тартибда расмийлаштирилиши, таклиф ва тавсияларнинг ишлаб чиқилиши ва бажарилиши муҳимлиги бўйича услубий ёрдам кўрсатилди;

ички аудит хизматлари ходимларини, бевосита баҳолаш жараёнида малакасини ошириш чоралари кўрилди.

Вазирлик ва идоралар кесимида баҳолаш натижалари**Транспорт вазирлиги**

Транспорт вазирлигида Ички аудит хизмати фаолиятини баҳолаш 2025 йилнинг 17 мартдан 28 мартга қадар амалга оширилди. Унга кўра, Ички аудит хизмати фаолиятининг **сифат даражаси 62,2 фоиз кўрсаткич билан «паст» даражада баҳоланди.**

Баҳолаш натижасида, ички аудит хизмати фаолиятига оид ички ҳужжатларнинг қабул қилиниши (**12 баллдан 8 балл (67%)**), ички аудит йиллик режасининг хавф таҳлили асосида ишлаб чиқиши (**16 баллдан 6 балл (38%)**), ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши (**28 баллдан 22 балл (79%)**), чора-тадбирлар режасининг бажарилиши (**16 баллдан 4 балл (25%)**) йўналишлари бўйича **қуйидаги такомиллаштирилиши лозим бўлган ҳолатлар аниқланди:**

1. Ички аудит хизмати фаолиятини амалга ошириш бўйича тегишли ҳужжатлар ишлаб чиқиши ва расмийлаштирилиши йўналиши бўйича ички аудит хизмати низоми **намунавий низомга мувофиқ ишлаб чиқилмаган.** Жумладан, хизматнинг низомида:

ички аудит хизмати **фаолиятига аралашувларга йўл қўйилмаслик** ҳамда унга **ўз фаолиятдан ташқари бошқа фаолиятга оид вазифаларнинг юкланишига чеклов(лар);**

ички аудит тадбирларида иштирок этишга ёки ушбу тадбирларни ўтказишга йўл қўйилмаслик ҳолатлари бўйича талаблар (манфаатлар тўқнашувига йўл қўймаслик ва олдини олиш чораларини кўриш) **белгиланмаган.**

2. Ички аудит йиллик режасининг хавф таҳлили асосида ишлаб чиқиши ва расмийлаштирилиши йўналиши бўйича 2024 йилнинг режасини ишлаб чиқиш учун ўтказилган хавф таҳлиliga **барча ички аудит объектлари қамраб олинмаган.**

Шу билан бирга, ўтказилган хавф таҳлиliga кўра **хавф даражаси юқори бўлган ички аудит объектлари йиллик режага тўлиқ киритилмаган.** Йиллик режани ишлаб чиқишда **мавжуд вақт ресурслари ҳисобга олинмаган.**

3. Ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши йўналиши бўйича ички аудит тадбирида аниқланган қонунбузилиш ҳолатларида **жиноят аломати мавжуд бўлганда бу тўғрисида биринчи раҳбарга хабардор қилинмаган**

Шунингдек, вазирликнинг **бюджет дастурлари ижроси белгиланган йўналишларда баҳоланмаган** ҳамда баҳолаш натижалари бўйича **таклиф ва тавсиялар ишлаб чиқилмаган.**


4. Чора-тадбирлар режасининг ички аудит объектлари томонидан бажарилиши йўналиши бўйича 2024 йилда ўтказилган **ички аудит тадбирлари натижалари юзасидан чора-тадбирлар режаси тузилмаган.**

Шу билан бирга, 2024 йил давомида **қонунчилик ҳужжатларининг бузилиши ҳолатларининг олдини олиш (профилактика) амалга оширилмаган.**

Бундан ташқари, 2024 йил учун тасдиқланган **йиллик режа 25 фоизга бажарилган.**

Баҳолаш натижасига кўра, вазирликнинг ички аудит хизмати (ички) низоми Ички аудит хизмати тўғрисидаги намунавий низомга мувофиқ ҳолда қайта тасдиқланди. Ички аудит тадбирларининг ўтказилиши, натижаларининг расмийлаштирилиши ҳамда аудит тадбирлари натижалари бўйича чора-тадбирлар режасининг ишлаб чиқиши Ички аудит тадбирларини ўтказиш қўлланмасига мувофиқ ҳолда йўлга қўйилди.

Транспорт вазирлигининг ички аудит хизмати фаолиятини баҳолаш натижалари



- ① Ички аудит хизматининг белгиланган тартибда ташкил этилиши
- ② Ички аудит хизмати ички хужжатларнинг қабул қилиниши
- ③ Чора-тадбирлар режасининг бажарилиши
- ④ Ички аудит хизмати ходимларининг малака даражаси
- ⑤ Ички аудит хизмати фаолиятига алоҳида саволлар
- ⑥ Ички аудит тадбирларининг қонунчиликка мувофиқ ўтказилиши
- ⑦ Йиллик режанинг хавф таҳлили асосида ишлаб чиқирилиши

Экология, атроф-муҳитни муҳофаза қилиш ва иқлим ўзгариши вазирлиги

Экология, атроф-муҳитни муҳофаза қилиш ва иқлим ўзгариши вазирлигида Ички аудит бўлими фаолиятини баҳолаш 2025 йилнинг 28 апрелидан 8 майга қадар амалга оширилди. Унга кўра, Ички аудит бўлими фаолиятининг **сифат даражаси 64,3 фоиз кўрсаткич билан «паст» даражада баҳоланди.**

Баҳолаш натижасида, ички аудит йиллик режасининг хавф таҳлили асосида ишлаб чиқиши **(16 баллдан 3 балл (19%),** ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши **(28 баллдан 17 балл (61%),** чора-тадбирлар режасининг бажарилиши **(16 баллдан 9 балл (56%),** ички аудит хизмати фаолиятига оид бошқа саволлар **(14 баллдан 6 балл (43%)** йўналишлари бўйича **қуйидаги такомиллаштирилиши лозим бўлган ҳолатлар аниқланди:**

1. Ички аудит йиллик режасининг хавф таҳлили асосида ишлаб чиқиши ва расмийлаштирилиши йўналиши бўйича 2024 йилнинг режаси **хавф таҳлили ўтказилмаган ҳолда ишлаб чиқилган** ва шу сабабли ҳисобот даврида **режадан ташқари аудит тадбирларини ўтказиш сезиларли даражада кўпайган.**

Шунингдек, йиллик режани ишлаб чиқишда **мавжуд вақт ресурслари ҳисобга олинмаган.**

2. Ички аудит тадбирларининг ички аудитга оид қонунчилик ҳужжатларига мувофиқ ўтказилиши ва натижаларининг расмийлаштирилиши йўналиши бўйича **ички аудит тадбирлари учун дастур ишлаб чиқилмаган (ёки белгиланган тартибда ишлаб чиқилмаган)** ва ўтказилган ички аудит тадбирларининг **натижалари “Давлат аудити” дастурига киритилмаган** ҳамда бўлим фаолияти бўйича **ҳисоботлар биринчи раҳбарга киритилмаган.**

Бундан ташқари, вазирликнинг **бюджет дастурлари ижроси белгиланган йўналишларда баҳоланмаган** ҳамда баҳолаш натижалари бўйича **таклиф ва тавсиялар ишлаб чиқилмаган.**

3. Чора-тадбирлар режасининг бажарилиши йўналиши бўйича ички аудит бўлими томонидан 2025 йилда ўтказилган ички аудит тадбирлари натижалари бўйича **чора-тадбирлар режасининг бажарилиши мониторинги йўлга қўйилмаган.**

Шу билан бирга, 2024 йил учун тасдиқланган **йиллик режа 22 фоизга бажарилган.**

4. Ички аудит хизмати фаолиятига оид бошқа саволлар йўналиши бўйича ички аудит бўлимига ўз фаолиятини амалга ошириш учун **ички ва ташқи ахборот тизимларидан фойдаланиш имконияти яратилмаган.**


Вазирлик тизимдаги бюджет ҳисобидан молиялаштирилмайдиган **нобюджет муассаса ҳамда ташкилотларда молиявий-хўжалик фаолияти бўйича ўтказилган аудит (назорат) ишларига оид ҳужжатлар мониторинги юритилмаган.**

Бундан ташқари, ички аудит бўлими фаолияти бўйича Иқтисодиёт ва молия вазирлиги томонидан **олдинги баҳолашда берилган таклиф ва тавсиялар бажарилмаган.**

Баҳолаш натижасига кўра, ички аудит бўлими томонидан йиллик режанинг хавф таҳлили асосида ишлаб чиқиши бўйича тушунтириш берилди. Шунингдек, ички аудит тадбирларининг ўтказилиши ва натижалари бўйича ишлаб чиқилган чора-тадбирлар режасининг бажарилиши мониторинги Ички аудит тадбирларини ўтказиш қўлланмасига (рўйхат рақами 3406, 27.12.2022 йил) мувофиқ ҳолда йўлга қўйилди.

Вазирликнинг бюджет дастурлари ижроси бўйича ҳисоботларни белгиланган барча йўналишларда баҳоланиши ва натижалари юзасидан таклиф ва тавсиялар ишлаб чиқиши бўйича тушунтиришлар берилди.

Экология вазирлигининг ички аудит хизмати фаолиятини баҳолаш натижалари



- 1 Ички аудит хизмати ходимларининг малака даражаси
- 2 Ички аудит хизматининг белгиланган тартибда ташкил этилиши
- 3 Ички аудит хизмати ички хужжатларнинг қабул қилиниши
- 4 Ички аудит тадбирларининг қонунчиликка мувофиқ ўтказилиши
- 5 Чора-тадбирлар режасининг бажарилиши
- 6 Ички аудит хизмати фаолиятига алоҳида саволлар
- 7 Йиллик режанинг хавф таҳлили асосида ишлаб чиқирилиши

Мақтабгача ва мақтаб таълими вазирлиги

Мақтабгача ва мақтаб таълими вазирлигида Ички аудит ва молиявий назорат департаменти фаолиятини баҳолаш 2025 йилнинг 7 апрелидан 18 апрелига қадар амалга оширилди. Унга кўра, департаментнинг **сифат даражаси 66,7 фоиз кўрсаткич билан «паст» даражада баҳоланди.**

Баҳолаш натижасида, ички аудит хизмати фаолиятига оид тегишли ички ҳужжатларнинг қабул қилиниши (**12 баллдан 8 балл (67%)**), ички аудит йиллик режасининг хавф таҳлили асосида ишлаб чиқиши (**16 баллдан 4 балл (25%)**), чора-тадбирлар режасининг бажарилиши (**16 баллдан 6 балл (38%)**), ички аудит хизмати фаолиятига оид бошқа саволлар (**12 баллдан 10 балл (83%)**), йўналишлари бўйича **қуйидаги такомиллаштирилиши лозим бўлган ҳолатлар аниқланди:**

1. Ички аудит хизмати фаолиятига оид тегишли ички ҳужжатларнинг қабул қилиниши йўналиши бўйича департамент низоми ва ходимлар лавозим йўриқномаларида **намунавий низомга мувофиқ бўлмаган бандлари мавжуд.** Жумладан, ушбу ҳужжатларда **текшириш ва назорат тадбирлари билан боғлиқ вазифа ва функциялар**, шунингдек, вазирликда мурожаатлар билан ишлаш бўйича **«Ишонч телефони» фаолиятини ташкил этиш вазифаси белгиланган.**

Шу билан бирга, департаментнинг низомида департаментга ўз фаолиятидан ташқари **бошқа фаолиятга оид вазифаларнинг юкланишига чеклов(лар) белгиланмаган.**

2. Ички аудит йиллик режасининг хавф таҳлили асосида ишлаб чиқиши ва расмийлаштирилиши йўналиши бўйича 2024 йилнинг режасини ишлаб чиқиш учун ўтказилган хавф таҳлиliga **барча ички аудит объектлари қамраб олинмаган.**

Шу билан бирга, ўтказилган хавф таҳлиliga кўра **хавф даражаси юқори бўлган ички аудит объектлари йиллик режага тўлиқ киритилмаган.** Йиллик режани ишлаб чиқишда **мавжуд вақт ресурслари ҳисобга олинмаган.**

Бундан ташқари, ҳисобот даврида ўтказилган аудит тадбирлари таркибида **режадан ташқари тадбирлар улуши 20 фоиздан ортиқ қисмни ташкил қилган.**

3. Чора-тадбирлар режасининг бажарилиши йўналиши бўйича департамент томонидан 2024 йилда ўтказилган ички аудит тадбирлари натижалари бўйича **чора-тадбирлар режаси белгиланган тартибда тузилмаган** ҳамда уларнинг бажарилиши бўйича **мониторинг юритилмаган.**

Шу билан бирга, 2024 йил учун тасдиқланган **йиллик режа 63 фоизга бажарилган.**

Бундан ташқари, департаментнинг барча ходимларига масофавий аудит ўтказиш учун **“ЎзАСБО” дастурий мажмуасидан фойдаланишга имконият яратилмаган (логин ва пароллар олинмаган).**


4. Ички аудит хизмати фаолиятига оид бошқа саволлар йўналиши бўйича фуқаролар иштирокидаги аудит тизими бўйича **назорат объектлари “Давлат аудити” дастурий комплексига тўлиқ киритилмаган.**

Баҳолаш натижасига кўра, вазирликнинг ички аудит хизмати (ички) низоми ҳамда ходимлар лавозим йўриқномалари Ички аудит хизмати тўғрисидаги намунавий низомга мувофиқ ҳолда қайта тасдиқланди.

Шунингдек, департаментнинг йиллик режасини вазирликнинг барча ички аудит объектларини қамраб олган хавф таҳлили асосида ишлаб чиқиш ва бунда мавжуд вақт ресурсларини инобатга олиш бўйича тушунтириш берилди.

Ахборот технологияларидан фойдаланилган ҳолда масофавий аудит қамровини ошириш мақсадида, департаментнинг барча ходимларига **“ЎзАСБО” дастурий мажмуасидан фойдаланиш учун логин ва пароллар олиниши лозимлиги билдирилди.**

Мактабгача ва мактаб таълими вазирлигининг ички аудит хизмати фаолиятини баҳолаш натижалари



- 1 Ички аудит хизмати ходимларининг малака даражаси
- 2 Ички аудит тадбирларининг қонунчиликка мувофиқ ўтказилиши
- 3 Ички аудит хизмати фаолиятига алоҳида саволлар
- 4 Ички аудит хизматининг белгиланган тартибда ташкил этилиши
- 5 Ички аудит хизмати ички хужжатларнинг қабул қилиниши
- 6 Чора-тадбирлар режасининг бажарилиши
- 7 Йиллик режанинг хавф таҳлили асосида ишлаб чиқиши

Маданият вазирлиги

Маданият вазирлигида Ички аудит бўлими фаолиятини баҳолаш 2025 йилнинг 19 майдан 30 майга қадар амалга оширилди. Унга кўра Ички аудит бўлими фаолиятининг **сифат даражаси 81,3 фоиз кўрсаткич билан «ўрта» даражада баҳоланди.**

Баҳолаш натижасида, ички аудит хизмати фаолиятининг белгиланган тартибда ташкил этилиши, мустақиллиги ҳамда ресурслар билан таъминланиши **(18 баллдан 14 балл (78%))**, ички аудит йиллик режасининг хавф таҳлили асосида ишлаб чиқилиши **(16 баллдан 11 балл (69%))**, ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши **(28 баллдан 21 балл (75%))**, ички аудит хизмати фаолиятига оид бошқа саволлар **(14 баллдан 11 балл (79%))** йўналишлари бўйича **қуйидаги такомиллаштирилиши лозим бўлган ҳолатлар аниқланди:**

1. Ички аудит хизмати фаолиятининг белгиланган тартибда ташкил этилиши, мустақиллиги ҳамда ресурслар билан таъминланиши йўналиши бўйича вазирликда ички аудит бўлимининг **бўйсунуви ва ҳисобдорлиги биринчи раҳбарга белгиланмаган.**

2. Ички аудит йиллик режасининг хавф таҳлили асосида ишлаб чиқилиши ва расмийлаштирилиши йўналиши бўйича 2024 йил учун йиллик режани ишлаб чиқишда, ўтказилган хавф таҳлилига кўра **хавф даражаси юқори бўлган ички аудит объектлари йиллик режага тўлиқ киритилмаган.**

Шу билан бирга, ҳисобот даврида ўтказилган аудит тадбирлари таркибида **режадан ташқари тадбирлар улуши 20 фоиздан ортиқ қисмни ташкил қилган.**

3. Ички аудит тадбирларининг ички аудит фаолиятига оид қонунчилик ҳужжатларига мувофиқ ўтказилиши ва натижалари расмийлаштирилиши йўналиши бўйича ички аудит бўлими томонидан **ички аудит тадбирлари учун дастурлар ишлаб чиқилмаган.**

Шунингдек, вазирликнинг **бюджет дастурлари ижроси белгиланган йўналишларда баҳоланмаган** ҳамда баҳолаш натижалари бўйича **таклиф ва тавсиялар ишлаб чиқилмаган.**


Бундан ташқари, ички аудит бўлими фаолияти бўйича **ҳисоботлар вазирликнинг биринчи раҳбарига киритиб борилмаган.**

4. Ички аудит хизмати фаолиятига оид бошқа саволлар йўналиши бўйича ички аудит бўлими фаолияти бўйича Иқтисодиёт ва молия вазирлиги томонидан **олдинги баҳолашда берилган таклиф ва тавсиялар бажарилмаган.**

Шунингдек, ички аудит йиллик режасини хавф таҳлили асосида ишлаб чиқилиши ҳамда мавжуд вақт ресурсларининг тўғри режалаштирилиши тушунтирилди.

Вазирликнинг бюджет дастурлари ижроси бўйича ҳисоботларни белгиланган барча йўналишларда баҳоланиши ва натижалари юзасидан бюджет маблағларидан янада самарали ва натижали фойдаланишга қаратилган таклиф ва тавсиялар ишлаб чиқилиши бўйича тушунтиришлар берилди.

Маданият вазирлигининг ички аудит хизмати фаолиятини баҳолаш натижалари



- ① Чора-тадбирлар режасининг бажарилиши
- ② Ички аудит хизмати ички ҳужжатларнинг қабул қилиниши
- ③ Ички аудит хизмати ходимларининг малака даражаси
- ④ Ички аудит хизмати фаолиятига алоҳида саволлар
- ⑤ Ички аудит хизмати фаолиятининг белгиланган тартибда ташкил этилиши
- ⑥ Ички аудит тадбирларининг қонунчиликка мувофиқ ўтказилиши
- ⑦ Йиллик режанинг хавф таҳлили асосида ишлаб чиқилиши

Адлия вазирлиги

Адлия вазирлигида Ички аудит бўлими фаолиятини баҳолаш 2025 йилнинг 9 июнидан 20 июнига қадар амалга оширилди. Унга кўра ички аудит бўлими фаолиятининг **сифат даражаси 92,4 фоиз кўрсаткич билан «юқори» даражада баҳоланди.**


Баҳолаш натижасига кўра, вазирликда ички аудит хизмати фаолиятининг белгиланган тартибда ташкил этилиши, мустақиллиги ҳамда ресурслар билан таъминланиши (**18 баллдан 18 балл (100%)**), ички аудит хизмати фаолиятига оид тегишли ички ҳужжатларнинг қабул қилиниши (**12 баллдан 12 балл (100%)**), чора-тадбирлар режасининг бажарилиши (**16 баллдан 15 балл (94%)**) ҳамда ички аудит хизмати ходимларининг малака даражаси ва фаолияти самарадорлигининг баҳоланиши (**12 баллдан 11 балл (92%)**) йўналишлари бўйича **ишлар етарли даражада амалга оширилганлиги маълум бўлди.**

Ўз навбатида, баҳолашда ички аудит йиллик режасининг хавф таҳлили асосида ишлаб чиқиши (**16 баллдан 14 балл (88%)**), ички аудит тадбирларининг қонунчиликка мувофиқ ўтказилиши ва натижаларининг расмийлаштирилиши (**28 баллдан 25 балл (89%)**), йўналишлари бўйича **қуйидаги такомиллаштирилиши лозим бўлган ҳолатлар аниқланди:**

1. Ички аудит йиллик режасининг хавф таҳлили асосида ишлаб чиқиши ва расмийлаштирилиши йўналиши бўйича 2024 йил давомида ўтказилган аудит тадбирлари таркибида **режадан ташқари тадбирлар улуши 20 фоиздан ортиқ қисми ташкил қилган.**

2. Ички аудит тадбирларининг ички аудит фаолиятига оид қонунчилик ҳужжатларига мувофиқ ўтказилиши ва натижалари расмийлаштирилиши йўналиши бўйича вазирликнинг бюджет дастурлари ижроси бўйича **ҳисоботлар белгиланган йўналишларда баҳоланмаган** ҳамда баҳолаш натижалари бўйича **таклиф ва тавсиялар ишлаб чиқилмаган.**

Баҳолаш натижасига кўра, вазирликнинг бюджет дастурлари ижроси бўйича ҳисоботларни белгиланган барча йўналишларда баҳоланиши ва натижалари юзасидан бюджет маблағларидан янада самарали ва натижали фойдаланишга қаратилган таклиф ва тавсиялар ишлаб чиқиши бўйича тушунтиришлар берилди.

**Адлия вазирлигининг ички аудит хизмати
фаолиятини баҳолаш натижалари**

- 1 Ички аудит хизматининг белгиланган тартибда ташкил этилиши
- 2 Ички аудит хизмати ички хужжатларнинг қабул қилиниши
- 3 Чора-тадбирлар режасининг бажарилиши
- 4 Ички аудит хизмати ходимларининг малака даражаси
- 5 Ички аудит хизмати фаолиятига алоҳида саволлар
- 6 Ички аудит тадбирларининг қонунчиликка мувофиқ ўтказилиши
- 7 Йиллик режанинг хавф таҳлили асосида ишлаб чиқирилиши